



From Wanem Ari i stap haed insaed long Sanbij

Ronald Seikiai i raetem buk ia



David Tovovur i droem pikja long buk ia

**Ministri blong Edukesen,
Republik blong Vanuatu**



Not blong ol Tija

Buk ia hem i stret blong ridim wetem ol pikinini long Yia 1 mo 2. Sam pikinini long klas ia bae i no save rid olgeta wan. Be ol nara pikinini long nara klas we i save rid gud bae ol i save yusum buk ia tu.

Ol tija i save yusum buk ia long plante difren wei. Sapos i gat pepa, ol tija i save mekem buk ia i kam bigwan moa blong yusum wetem ol pikinini.



Curriculum Development Unit i pablisim buk ia long 1993.

Copyright © Ministri blong Edukesen, Port Vila, Vanuatu.

Buk ia oli mekem anda long wan projeck blong Vanuatu Buk
Produksen we New Zealand kavman nao i givim mani blong hem.





From Wanem Ari i stap haed insaed long Sanbij

Ronald Seikiai i raetem buk ia



David Tovovur i droem pikja long buk ia

**Ministri blong Edukesen,
Port Vila,
Republik blong Vanuatu
1993**



Wan taem Ari mo Momoa oli gudfala fren.
Tufala i stap ting se tufala i naes bitim evri
narafala fis long solwota.

2





Wan dei Ari i talem lo Momoa se,
“Bae yumitu mekem yumitu i luk
naes moa.”








Momoa i askem se, “Bae yumitu i mekem olsem wanem?”



Ari i talem se, “Hem i isi nomo.”

“Bae mi rapem yu wetem wan pis
korel. Afta bae u rapem mi.”





Ari i rapem Momoa. Hem i rapem hem
long wan saed, long tu saed, long tri saed,
long fo saed.









Ari i talem long Momoa se,
“Naoia yu go lukluk yu wan
long mira.”



Momoa i lukluk hem wan. Hem i luk bodi blong
hem – i nogud we i nogud! Hem i lukaotem ol naes
kala blong hem be oli lus evriwan finis!






Momoa i sek mo i se, “Yu mekem mi luk olsem wan bokis.”

“Naoia, taem blong yu nao.”



Momoa i rapem Ari. Hem i rapem hem long wan
saed nomo. Hem i rapem hem long taem we long
taem.





Momoa i rapem Ari gogo hem i flat gud. Ari i luk se hem i no naes nating. Hem i ronwei kwiktaem mo go haed andanit long sanbij nao i nomo kamaot.



